

ხელშეკრულება # 60-7-114-231

ქ. თბილისი

2014 წ. 04.04

### I. მხარეები

წინამდებარე ხელშეკრულება დადებულია 2014 წლის 04.04, ერთის მხრივ სს „საქართველოს სახელმწიფო ელექტროსისტემას“, წარმოდგენილი მისი მმართველთა საბჭოს თავმჯდომარის სულხან ზუმბურიძის სახით (შემდგომში „შემსყიდველი“) და მეორეს მხრივ შპს „Z-KINGI“ (შემდგომში „მიმწოდებელი“), წარმოდგენილი დირექტორის ზაზა გოჭოშვილის სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

### II. ხელშეკრულების საგანი

- 2.1. „მიმწოდებელი“ ვალდებულია „შემსყიდველს“ მიაწოდოს საქონელი დანართი #1-ის (ფასების ცხრილი) შესაბამისად.
- 2.2 დანართი #1 წარმოადგენს წინამდებარე ხელშეკრულების განუყოფელ ნაწილს.

### III. საქონლის ღირებულება და ანგარიშსწორების პირობები

- 3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის შესაბამისად და შეადგენს 940 (ცხრაასორმოცი) ლარს დღგ-ს ჩათვლით. (შემდგომში „ხელშეკრულების ღირებულება“).
- 3.2 ანგარიშსწორება განხორციელდება ეტაპობრივად ფაქტიურად მოწოდებულ საქონელზე გაფორმებული მიღება-ჩაბარების აქტისა და შესაბამისი ანგარიშფაქტურის წარმოდგენიდან 10 (ათი) კალენდარული დღის ვადაში.
- 3.3 საქონლის ღირებულების ანაზღაურება ხორციელდება უნაღდო ანგარიშსწორების ფორმით ლარებში.

### IV. მხარეთა უფლება-მოვალეობები

- 4.1. „მიმწოდებელი“ მოვალეა:
  - 4.1.1. გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი;
  - 4.1.2 საქონლის მიღების დროს თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია საქონლის მიწოდებისას თავისი ხარჯებით გამოასწოროს ხარვეზი. თუ ეს შეუძლებელია, „მიმწოდებელმა“ საქონლის მიწოდებისას უნდა შეცვალოს საქონელი.
  - 4.1.3 „მიმწოდებელმა“ საქონლის მიწოდება უნდა განახორციელოს ეტაპობრივად ხელშეკრულების გაფორმებიდან და „შემსყიდველის“ მხრიდან შესაბამისი ჭურჭლის მიწოდებიდან 5 (ხუთი) სამუშაო დღის ვადაში მისამართზე: ქ. თბილისი, სოფელი დიდმის შესასვლელი (შპს „Z-KINGI“-ს საქმიანი ეზო).
- 4.2. „შემსყიდველი“ მოვალეა
  - 4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;
  - 4.2.2. წერილობით შეატყობინოს „მიმწოდებელს“ საქონლის მიღების დროს შემჩნეული ნაკლის აღმოჩენისთანავე.

### V. მხარეთა პასუხისმგებლობა

- 5.1. „მიმწოდებლის“ მიერ საქონლის დაგვიანებით მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების

0,1% ოდენობით ყოველ ვადა გადაცილებულ კალენდარულ დღეზე ხარისხიანი საქონლის სრულად მიწოდების დღემდე.

5.2 „მიმწოდებლის“ მიზეზით საქონლის არასრულად, ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0,1% ოდენობით ყოველ ვადა გადაცილებულ კალენდარულ დღეზე ხელშეკრულების შეწყვეტის დღემდე.

5.3. ამ ხელშეკრულების 5.1 და 5.2 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ „მიმწოდებელს“ საქონელი უბრუნდება წუნდების ან ხარვეზის შემთხვევაში, წუნდებული ან ხარვეზიანი საქონლის მაგივრად ხარისხიანი საქონლის მიწოდების დღემდე.

5.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

5.5. „მიმწოდებლის“ მიერ საქონლის საერთოდ არმიწოდების შემთხვევაში იგი ვალდებულია „შემსყიდველს“ ერთჯერადი ჯარიმის სახით გადაუხადოს თანხა ხელშეკრულების ღირებულების 10%-ის ოდენობით.

5.6 „შემსყიდველი“ უფლებამოსილია მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა.

5.7 წინამდებარე ხელშეკრულებით განსაზღვრული საქონლის სრულად არშემსყიდვის შემთხვევაში „შემსყიდველს“ პასუხისმგებლობა არ ეკისრება.

## VI. ხელშეკრულების შესრულების კონტროლი

6.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

6.2 „შემსყიდველის“ მხრიდან ხელშეკრულების შესრულებაზე სს „სსე“-ს ექსპლუატაციის სამსახურის დაგეგმარების განყოფილების წამყვანი ინჟინერი ვახტანგ მოდებაძე.

6.3 კონტროლი განხორციელდება მიწოდებული საქონლის ხარისხის და მიწოდების ვადების პირობების შესაბამისობით ხელშეკრულების პირობებთან.

## VII. ურთიერთობა მხარეებს შორის

7.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

7.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

### **VIII. ხელშეკრულების შესრულების შეფერხება**

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

### **IX შესყიდვის ობიექტის მიღება-ჩაბარების წესი**

9.1 საქონლის მიწოდებისას "შემსყიდველის" მიერ წინამდებარე ხელშეკრულების 6.2 ქვეპუნქტით განსაზღვრული პირი (პირები) ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით "შემსყიდველსა" და "მიმწოდებელს" შორის.

9.2 საქონლის მიღების დროს აღმოჩენილი ხარვეზების (წუნდების) შემთხვევაში "შემსყიდველი" ვალდებულია ოპერატიულად, წერილობითი სახით აცნობოს "მიმწოდებელს" სათანადო ხარვეზების შესახებ (წუნდების არსი).

9.3 ხარვეზების (წუნდების) აღმოჩენის შემთხვევაში „მიმწოდებელი“ ვალდებულია 2(ორი) სამუშაო დღის განმავლობაში თავისი ხარჯებით გამოასწოროს ხარვეზი.

9.4 საქონლის მიღება-ჩაბარების აქტი ფორმდება ეტაპობრივად ფაქტიურად მიღებული საქონლის შესაბამისად. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

### **X. დავათა განხილვა**

10.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

10.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

### **XI. ხელშეკრულების მოქმედების ვადები**

11.2. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2014 წლის 31 დეკემბრის ჩათვლით.

### **XII. ხელშეკრულების სხვა პირობები**

12.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

12.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

12.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

12.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

12.5 წინამდებარე ხელშეკრულება დადებულია 2013 წლის 7 მარტის საქართველოს მთავრობის #53 დადგენილებით დამტკიცებული სს „საქართველოს სახელმწიფო ელექტროსისტემის“ მიერ ელექტროენერჯის გადაცემა-დისპეტჩერიზაციის შეუფერხებლად განხორციელებისათვის საჭირო საქონლის და მომსახურების შესყიდვების სპეციალური წესის მე-6 მუხლის მე-2 პუნქტის ა) ქვეპუნქტის შესაბამისად.

### XIII. მხარეთა რეკვიზიტები


“შემსყიდველი”:

სს „საქართველოს სახელმწიფო ელექტროსისტემა“  
ქ. თბილისი, ბარათაშვილის ქ. №2  
ს/ს „საქართველოს ბანკი“-ს  
საიდ. კოდი: 204995176  
ბანკის კოდი: BAGAGE 22  
ანგარიში: №GE56BG0000000283534100

“მიმწოდებელი”:

შპს „Z-KINGI“  
ქ. თბილისი სოფელი დიდმის შესას.  
(შპს „Z-KINGI“-ს საქმიანი ეზო)  
საიდ.კოდი 432540182  
ს/ს “პროკრედიტ ბანკი”  
ბანკის კოდი MIBGGE 22  
ანგარიში: №GE14PC0443600100004556

სულხან ზუმბურიძე  
რეაბილიტაციის მმართველი



ფასების ცხრილი

#	დასახელება	რაოდენობა	ერთეულის ფასი (ლარი)	საერთო ფასი (ლარი)
1	არგონი (6მ ჰბალონში) (1დატუმბვა -150 ატმოსფერო)	5 დატუმბვა	140,00	700,00
2	აზოტი (6მ ჰბალონში) (1დატუმბვა -150 ატმოსფერო)	4 დატუმბვა	60,00	240,00
ხელშეკრულების საერთო ღირებულება დღგ-ს ჩათვლით				940,00

ხელშეკრულების ღირებულებაა 940 (ცხრაასორმოცი) ლარი დღგ-ს ჩათვლით.


შენიშვნა:

“მიმწოდებელმა“ საქონლის მიწოდება უნდა განახორციელოს ეტაპობრივად, ხელშეკრულების გაფორმებიდან და „შემსყიდველის“ მხრიდან შესაბამისი ჭურჭლის მიწოდებიდან 5 (ხუთი) სამუშაო დღეში. მისამართზე: შპს „Z-KINGI“-ს საქმიანი ეზო.

“შემსყიდველი“:

სს „საქართველოს სახელმწიფო ელექტროსისტემა“

სულხან ზუმბურიძე  
რეაბილიტაციის მმართველი



“მიმწოდებელი“:

შპს „Z-KINGI“

ზაზა გოჭოშვილი  
დირექტორი

